

42
8. marz **Bréf félagsmálaráðuneytisins til sýslumannsins í Eyjafjarðar-
sýslu, um, að Svarfaðardalshreppur og Dalvíkurhreppur verði tvær
dómþinghár og manntalsþinghár.**

Samkvæmt tillögum yðar, herra sýslumaður, í bréfi, dags. 21. f. m., og ósk hreppsnefnda Svarfaðardals- og Dalvíkurhreppa, veitir ráðuneytið hér með samþykki sitt til þess, að hvor hreppur um sig verði sérstök dómþinghá og manntalsþinghá, með þingstað á Grund fyrir Svarfaðardalshrepp, en á Dalvík fyrir Dalvíkurhrepp.

Þetta er yður hér með til vitundar gefið og til frekari birtingar.

43
13. marz **Bréf félagsmálaráðuneytisins til sýslumannsins í Árnessýslu, um
skiptingu Ölfushrepps í tvö sveitarfélög.**

Samkvæmt beiðni hreppsnefndar Ölfushrepps og meðmælum sýslunefndar Árnessýslu um skiptingu Ölfushrepps í tvö hreppsfélög, vill ráðuneytið hér með samkvæmt sveitarstjórnarlögum nr. 12 31. maí 1927, skipa svo fyrir sem hér segir:

1. Ölfushreppi í Árnessýslu skal skipt í tvö sveitarfélög, er nefnist Ölfushreppur og Hveragerðishreppur. Hveragerðishreppur nær yfir allt land jarðarinnar Vorsabæjar vestan Varmár og land Öxnalækjar vestan Suðurlandsbrautar (Krisuvíkurvegar). Einnig leggist til Hveragerðishrepps íþróttasvæði austan Varmár, sem er auk eignarlands héraðssundlaugarinnar að Laugaskarði spilda úr landi Reykja, næst austan við land Sundlaugarinnar, er takmarkast að sunnan af Varmá, að austan af línu úr Varmá dreginni til norðurs samsíða langveggjum sundþróarinnar og í 50 — fimmtíu — metra fjarlægð frá eystri barmi hennar. 30 — þrjátíu — metrum norðar en lína framlend úr norður-gafli sundþróarinnar sker fyrrgreinda línu úr Varmá skal merkjalínan brotna lítið eitt til vesturs og liggja til norðurs jafnlangt og land sundlaugarinnar nær nú í punkt, sem er 30 — þrjátíu — metrum austar en norðausturhorn eignarlands sundlaugarinnar. Að norðan takmarkast íþróttasvæðið af línu dreginni gegnum þrjá steinsteypa hliðstólpa til vesturs til skurðar við Varmá, en til austurs til skurðar við fyrstgreinda línu úr Varmá, en sá skurðpunktur sé 30 — þrjátíu — metrum austan við skurðpunkt laugarlækjarins (austurtakmarka landareignar sundlaugarinnar) og línunnar úr hliðstólpunum.
2. Eignum, skuldum og ábyrgðum Ölfushrepps skal skipt þannig, að $\frac{5}{6}$ falli til hins nýja Ölfushrepps, en $\frac{1}{6}$ til Hveragerðishrepps.
3. Barnaskólaeignin og þinghúseignin í Hveragerði verði sameign beggja hreppanna að jöfnu við skiptin, þannig, að Hveragerðishreppur kaupir $\frac{1}{3}$ í báðum eignunum, og miðast verð þeirra beggja við bókfært kostnaðarverð þeirra (að frádregnum ríkisstyrk) við reikningslok ársins 1945. Ölfushreppur skal eiga kost á að kaupa hluta Hveragerðishrepps í bifreið hreppsins og bílskúr við bókfærðu verði á sama tíma.
4. Framfærsla allra núverandi styrkþega sé sameiginleg og einnig þeirra, sem kunna að verða úrskurðaðir á hinn forna Ölfushrepp. Hreppsnefnd hvors hrepps annist um ráðstöfun og greiðslu vegna sameiginlegra styrkþega, sem

heima eiga innan hvors hrepps fyrir sig. Af heildarkostnaði við sameiginlega styrkþega greiði hvor hreppur eftir sama hlutfalli og við skiptingu eigna og skulda. Um hver áramót skulu hreppsnefndir beggja hreppanna leggja fram reikninga yfir kostnað vegna sameiginlegra styrkþega. 43 13. marz

Sá hreppanna, sem ekki hefur greitt til sameiginlegra styrkþega hlutfallslega upphæð sína af sameiginlegum framfærslukostnaði, skal þá greiða hinum hreppnum það, sem til vantar í hlutfallslega þátttöku í sameiginlegum framfærslukostnaði, sem er fyrir Ölfushrepp $\frac{5}{8}$ og fyrir Hveragerðishrepp $\frac{3}{8}$. Greiðslur elli- og örorkulauna skulu ekki teljast til sameiginlegs framfærslukostnaðar.

5. Hreppsnefndarmenn skul vera 5 í hvorum hreppi.
6. Bækur og skjöl, sem hreppsfélagið á nú, verði eign hins nýja Ölfushrepps, en hreppsnefnd Hveragerðishrepps hafi aðgang að þeim eftir þörfum.
7. Stjórn fjallskilamála beggja hreppanna verði sameiginleg og í höndum hreppsnefndar Ölfushrepps með samkomulagi við hreppsnefnd Hveragerðishrepps um þau atriði, sem þann hrepp varða. Ágreining hreppanna um fjallskilamál úrskurðar sýslunefnd.
8. Skipting hreppsins miðast við 1. janúar 1946. Framkvæmd skipta á eignum, skuldum og sveitarþyngslum annast hreppsnefndir hinna nýju hreppa. Verði ágreiningur út af skiptunum, skal úr honum skorið af sýslunefnd Árnassýslu.

Þetta tilkynnist yður hér með, herra sýslumaður, til frekari aðgerða og birtingar, að því viðbættu, að með framangreindri fyrirskipan er engin breyting gerð á hinum forna Ölfushreppi, sem dómpinghá né manntalspinghá.

REGLUGERÐ

44

12. marz

um breyting á reglugerð nr. 131 4. des. 1936, um verkun og útflutning á skreið.

1. gr.

Reglugerðin heitir: Reglugerð um verkun, mat og útflutning á skreið.

2. gr.

2. mgr. 2. gr. orðist þannig:

Laun skreiðarmatsstjóra greiðist úr ríkissjóði. Ráðherra ákveður starfssvið hans með erindisbréfi.

3. gr.

Fyrsta málsgrein 3. gr. orðist þannig:

Lögreglustjóri skipar matsmenn eftir tillögum skreiðarmatsstjóra á þeim slöðum, þar sem skreiðarmatsstjóri telur þess þörf. Skulu þeir valdir meðal löggiltra fiskimatsmanna, þar sem því verður við komið.

4. gr.

6. gr. orðist þannig:

Ekki má flytja út skreið nema fullþurr sé og að öllu öðru leyti útflutningshæf að dómi matsmanna.

5. gr.

Til viðbótar 11. gr. komi:

Hús þau, sem ætluð eru til geymslu á skreið eða byggð kunna að verða til þess, skulu tekin gild til þess af skreiðarmatsstjóra og enn fremur skal leita álits hans